



畿輔通志

四十五六

畢

共 二十六

近衛
5-86
キ2





畿輔通志卷之第四十五

藝文十

近衛本

燕荆軻易水歌

風蕭蕭兮易水寒壯士一去兮不復還

無名氏木蘭詞

唧唧復唧唧木蘭當戶織不聞機杼聲惟聞女嘆息問女何所思問女何所憶女亦無所憶昨夜見軍帖可汗大點兵軍書十二卷卷卷有爺名阿爺無大兒木蘭無長兄願為市鞍馬從此替爺征東市買駿馬西市買鞍轡南市買轡頭北市買長鞭旦辭爺娘去暮宿黃河邊不聞爺喚女聲但聞黃河流

喚女聲但聞燕山鐵騎鳴啾啾萬里赴戎機關山

度若飛朔氣傳金柝寒光照鐵衣將軍百戰死壯

士十季歸來見天子天子坐明堂策勛十二轉

賞賜百千強可汗問所欲木蘭不用尚書郎願馳

後補藝文十



莫高哭
讀書中文網發行
<http://bbs.rbook.net>

千里足送兒還故鄉爺娘聞女來出郭相扶將阿
 妹問姊來當戶理紅粧小翁聞姊來磨刀霍霍向
 猪羊開我東閣門坐我西閣床脫我戰時袍著我
 舊時裳當總理雲鬢掛鏡貼花黃出門看火伴火
 伴始驚惶同行十二
 年不知木蘭是女郎

無名氏陌上桑 日出東南隅照我秦氏樓秦氏有
 好女自名為羅敷羅敷喜蠶桑採

桑城南隅青絲為籠繫桂枝為籠鈎頭上倭墮髻
 耳中明月珠湘綺為下裙紫衣為上襦行者見羅
 敷下擔墀髮鬢少年見羅敷脫帽着稍頭耕者忘
 其犁鋤者忘其鋤來歸相怒怨但坐觀羅敷使君
 從南來五馬立踟躕使君遣吏往問是誰家妹秦
 氏之好女自名為羅敷羅敷年幾何二十尚不足
 十五頗有餘使君謝羅敷寧可共載不羅敷前致
 詞使君亦何愚使君自有婦羅敷自有夫東方千
 餘騎夫婿居上頭使君識夫婿白馬從驪駒青絲
 繫馬尾黃金絡馬頭使君腰中鹿盧劍可直千萬
 五府小史二十朝大夫三十侍中郎四十專城居
 為人潔白晬髮鬢頗有鬚盈盈公府步冉冉府中

趨坐申數千人
 皆言夫婿殊

阮瑀感舊 河州多沙塵風吹黃雲起金羈相馳逐
 聯翻何窮已慶雲惠優渥徵雷征多士

昔念渤海時南皮戲清泚今復河曲遊鳴葭泛蘭
 汜躡步陵丹榜竝坐侍君子妍談既娛心哀弄信

睦耳傾沽係芳醕願言定終
 始自從食芹菜惟見今日美

鮑司隸歌 鮑氏驄三入司隸再
 入公馬雖瘦行步工

曹操碣石篇 東臨碣石以觀滄海水何澹澹山島
 竦峙樹木叢生百草豐茂秋風蕭瑟

洪波湧起日月之行若出其星漢燦爛若出其
 裏幸甚至哉歌以詠志孟冬十月北風徘徊天氣

肅清繁霜霏霏鳴鴻鴈南飛鷺鳥潛藏熊
 羆窟栖錢罇停置農收積塲逆旅整設以通賈商

幸甚至哉歌以詠志鄉土不同河朔隆寒流漸浮
 漂舟船行難不入地豐籟深與水竭不流水堅

可蹈士隱者貧勇俠輕非心常歎怨戚戚多悲幸
 甚至哉歌以詠志神龜雖壽猶有竟時騰蛇乘霧

終為土灰老驥伏櫪志在千里烈士暮年壯心不已盈縮之期不但在天養怡之福可得永年幸甚至哉歌以詠志

陶潛荆軻詩燕丹善養士志在報強羸招集百夫良歲暮得荆卿君子死知已提劍出

燕京素驥鳴廣陌慷慨送我行雄髮指危冠猛氣衝長纓飲饑易水上四座列群英漸離擊悲筑宋

意唱高聲蕭蕭哀風起淡淡寒波生商音更流滄羽奏壯士驚心知去不歸且有後世名登車何時

顧飛蓋入秦庭凌厲越萬里逶迤過干城圖窮事自至豪主正怔營惜哉劍術踈奇功遂不成其人

雖已沒千載有餘情

謝眺邯鄲才人嫁為厮養婦生平官閣裏出入侍丹墀開笥方羅縠窺

鏡比蛾眉初別意未解去久日生悲顛頓不自識嬌羞餘故姿夢中忽彷彿猶言承燕私

梁武帝邯鄲歌回顧灞陵上北指邯鄲道短衣妾不傷南山為君老

沈約趙瑟曲邯鄲奇弄出文綺哀弦急調切流徵玄鶴徘徊白雲起白雲起鬱披香薜

復合曲未央

馮元興浮萍有草生碧池無根綠水上脆弱惡風波危微苦驚汙

隋煬帝望海碧海雖欣矚金臺空有聞遠水翻如岸遙山倒似雲斷濤還共合連浪或

時分馴鷗舊可狎卉木足為群方知小姑射誰復語臨汾

唐太宗北平翠野駐戎軒虛龍轉征旆遙山麗如綺長流縈似帶海氣百重樓岩松下

丈夫蓋茲焉可遊賞何必襄城外

太宗望海披襟眺滄海憑軾翫春芳積流橫地軸疏派引天潢仙氣凝三嶺和風扇八荒

拂潮雲布色穿浪日舒光照岸花分彩迷雲馬斷行懷卑運深廣持滿守靈長有形非易測無源詎

可量洪壽經變野翠鳥屢成桑之不思漢帝碣石想秦皇霓裳非木意端拱且圖王

楊師道奉和春日望海

春山臨渤海征旅輟晨裝
颯颯虛龍塞斜瞻肅慎鄉

洪波迴地軸孤嶼映雲光
落日驚濤上浮天駭浪

長仙臺隱螭駕水府泛龜梁
碣石朝煙滅之不歸

鳳翔北巡非漢后東幸異秦皇
塞旗羽林客拔距

少年場龍擊驅遼水鵬飛
出代方將舉青丘繳安

訪白
寬裳

太宗飲馬長城窟行

塞外悲風切交河水已結
瀚海百重波山陰千里雪
迥戍

危峰火屑巒引高節悠悠卷
旆旌飲馬出長城寒

沙迷騎迹朔吹斷邊聲烟塵
清玉塞羌笛韻金鉦

絕漠干戈戢車徒振原隰都
尉反龍堆將軍旋馬

邑揚麾氛霧靜紀石功名立
荒裔一戎衣靈臺凱

入歌

太宗晏中山

驅馬出遼陽萬里轉旂常對
敵六奇舉臨帝八陣張斬鯨
澄碧海卷霧掃

扶桑昔去蘭綦翠今來桂染
芳雲枝浮碎

葉木鏡上朝光回首長安道
方歡晏柏梁

許敬宗奉和宴中山

飛雲旋碧海解網宥青丘眷
德停入駿觀風駐五牛張
樂

臨堯野揚麾歷舜州中山獻
仙醕趙媛發清謳塞

門朱雁入郊敷紫麟游一舉
氛霓靜千齡德化流

唐玄宗賜左丞相張說右丞相宋璟太子少傅源

乾曜同日上官命宴都堂詩

赤帝收三傑黃軒舉
二臣由來丞相重分

掌國之均我有握中璧雙飛
席上珍子房推道要

仲子訝風神復駁台衡老將
為調護人鴛鴦同拜

日車騎擁行塵樂聚南官宴
觴連

宋璟奉和御製璟與張說源乾曜同日上官命宴

都堂賜詩應制

丞相邦之重非賢諒不居老
臣庸且億何德以當諸厚秩
先為黍崇

班復此除太常陳禮樂中掖
降簪裾聖酒江河潤

仙文象緯舒冒恩懷寵錫陳
力省空虛郭隗慙無

駿馮驩愧有魚不知
周勃者榮幸定何如

高適燕歌行

漢家烟塵在東北漢將辭家破殘賊
男兒本自重橫行天子非常賜顏色

縱金伐鼓下榆關旌旆逶迤碣石間
校尉羽書飛瀚海單于獵火照狼山

山川蕭條極邊土鐵騎憑陵雜風雨
戰士軍前半死生美人帳下猶歌舞

大漠窮秋塞草腓孤城落日鬪兵稀
身當恩遇常輕敵力盡關山未解圍

鐵衣遠戍辛勤久玉筋應啼別離後
少婦城南欲斷腸征人薊北空回首

邊庭飄飄那可度絕域蒼茫無所有
殺氣三時作陣雲寒聲一夜傳刁斗

相看白刃血紛紛死節從來豈顧勳
君不見沙場征戰苦至今猶憶李將軍

麗雲卿東郡懷古詩

漢家東郡國唐代義成軍日月乾坤裏
山河晉魏分一書

征東將軍冀州懷古詩

秋日淒涼古信都東征攬轡重
脚躡趙王墳上含烟閣總荒墟
南郊寂寞無人問回首孤城霸業虛

淡袁紹城邊落葉疎千里關山非故國
百花樓閣總荒墟南郊寂寞無人問
回首孤城霸業虛

宜芬公主題虛池驛屏風

出嫁辭鄉國由來此別難
聖恩愁遠道行路泣

相看沙塞容顏盡邊隅粉黛殘
妾心何處斷他日望長安

盧弼邊庭怨

春衣昨夜到榆關故國烟花想已殘
小婦不知歸未得朝朝應上望夫山

○盧龍塞外草初肥燕乳平蕪曉不飛
鄉國近來音信斷至今猶自着寒衣

沈佺期樂城白鶴寺

碧海開龍藏青雲起雁堂潮聲迎
泐鼓雨氣濕天香樹接前山暗
暗溪承瀑布涼無言頌居遠清淨空天王

張子容樂城館中還歸

異縣天隅僻孤帆海畔過
往來鄉信斷畱滯客情多

臘月開雷震東風感歲和
蟄垂驚戶穴巢鵲起庭柯
徒對芳樽酒其如伏枕何
歸來理舟楫滄海正無波

劉庭芝謁漢世祖廟

春陵氣初發漸臺首未傳
列營百萬衆持國十八年
運開

朱旗後氣合赤符先宛城劍鳴匣昆陽鏑應弦
 獸血塗地巨人聲沸天長驅過北趙短兵出南燕
 太守迎門外王郎死道邊昇壇五戒陌端拱千秋
 年朝廷方雀躍劍佩幾聯翩至德剛酒海神儀翳
 九泉宗子行舊邑恭開清廟篇君容穆而粹臣像
 儼猶賢攢木承危柱疎蘿挂朽椽祠庭來鳥啄祭
 器網蟲緣懷古江山在惟新曆
 數遷空餘今夜月長似舊時懸

杜甫送孔巢父遊江東

巢父掉頭不肯往東將入海隨烟霧詩卷長留天地

間釣竿欲拂珊瑚樹深山大澤龍蛇遠春寒野陰
 風景暮蓬萊織女回雲車指點虛無引歸路自是
 君身有仙骨世人那得知其故惜君只欲苦死留
 富貴何如草頭露蔡侯靜者意有餘清夜置酒臨
 前除罷琴惆悵月照席幾歲寄我空中
 書南尋禹穴見李白道甫問訊今何如

皇甫冉送冀州孔巢父赴河南軍

江城相送阻烟波况復新秋一

雁過聞道全師征北塞更言諸將分南河邊心杳
 杳鄉人絕塞草青青戰馬多共許陳琳去奏記知

君名宦未蹉跎

李益溱洧河

漢南春色到溱洧邊柳青青塞馬多
 萬里江山今不閉漢家頻許郅支和

胡曾渡溱洧河

光武經營業未興王郎兵革暫憑
 陵須知後漢功臣力不及溱洧一

水

崔尚送陸明府之盱眙

陶令之官去離愁慘別魂
 白烟連海戍紅葉近淮村

遠浪搖山郭平蕪到縣門
 政成堪吏隱兌賀府公恩

于鵠秦越人洞中詠

扁鵲得仙處傳是西南峯年
 年山下人長見騎白龍洞門

黑無底日夜惟雷風清齋將入時戴花兼抱松石
 徑陰且寒地響如遠鐘似行山林外聞乘展聲重
 低礙更俯身漸遠晝夜同時白蝙蝠飛入茅衣
 中行久路轉窄靜聞水淙淙但願逢一人自得朝
 天宮

李白贈臨洛縣令皓弟
陶令去彭澤茫然太古心
大音自成曲但奏無弦琴

釣水路非遠連鰲意何深
終期龍伯國與爾相招尋

李白贈清漳明府姪聿
我李百萬葉柯條布中州
天開青雲器日為蒼生憂

小邑且割雞大刀佇烹牛雷聲動四境惠與清漳
流絃歌咏唐堯脫落隱轡組心和得天真風俗猶

太古牛羊散阡陌夜寢不扃戶問此何以然賢人
宰吾上舉邑樹桃李垂陰亦流芬河堤繞綠水桑

柘連青雲趙女不冶容提籠晝成羣練絲鳴機杼
百里聲相聞訟息鳥下階高卧披道帙蒲鞭掛簷

枝示恥無撲扶琴清月當戶人寂風入室長嘯無
一言陶然上皇逸白玉壺水壺中見底清清光

洞毫髮皎潔照羣情趙北美嘉政燕
南播高名過客覽行謠因之誦德聲

李白邯鄲才人嫁為厮養卒婦
妾本叢臺女揚眉
入丹闕自倚顏如

花寧知有凋歇一辭玉堦下太若朝雲沒每憶
邯鄲城深宮夢秋月君王不可見惆悵至明發

李白邯鄲南亭歌
歌放燕趙兒魏姝弄明絲粉色
艷白彩舞袖拂花枝把酒頤美

人請歌邯鄲詞清箏何繚繞度曲綠雲垂平原君
安在科斗生古池坐客三千人於今知有誰我輩

不作樂但為後代悲

高適汎清河
清川在城下沿汎多所宜同濟愜數
公翫物欣良時飄颻波上興燕婉舟

中詞昔陟乃平原今來忽漣漪東流達滄海西流
延滹池雲樹共晦明井邑相逶迤稍隨歸月帆若

與沙鷗期漁父更畱我前潭水未滋

鄭錫邯鄲少年行
霞鞍金口驪豹袖紫貂裘家住
叢臺下門前漳水流喚人呈楚

舞借客試吳鉤見說秦兵至甘心赴國讐

岑參邯鄲客舍歌
客從長安來馳馬邯鄲道傷心
叢臺下一旦生蔓草客舍門臨

漳水邊垂楊下繫釣魚船邯鄲女兒夜沽酒對客
挑燈誇數錢酪酏醉時月正午一曲長歌墟上眠

胡曾過邯鄲 曉入邯鄲十里春東風吹下玉樓塵青娥莫怪頻含笑記得當年失步人

白居易除夜宿洛州 家寄關西住身為河北遊蕭條歲除夜旅泊在洛州

劉貞香山九老會詩 垂絲今日幸同筵朱紫居身是六年賞景尚知心未退吟

詩猶覺力完全閑庭飲酒當三月在席揮毫象七賢山茗煮時秋霧碧玉盃對處彩霞鮮臨堦花笑

如歌妓傍竹松聲當管絃雖未學窮生死訣人間豈不是神仙

張渾香山九老會詩 幽亭春盡共為歡印綬居身是大官遁跡豈勞登遠岫垂

絲何必坐溪磻詩聯六韻猶應易酒飲三盃未覺難每况襟懷同宴會共將心事比波瀾風吹野柳

垂羅帶日照庭花落綺紈此席不煩鋪錦帳斯筵堪作畫圖看

戴叔倫酬張子初 野人無本意散木任天才分向空山老何言上苑來迢迢千里

道依倚九層臺出處寧知命輪轅豈自嫌更慚張處士相與別蒿萊

皇甫曾酬張子初 悲風還舊浦雲嶺隔東田伏臘火稚子候歸船靜者

心相憶離居畏度季

皮日休過張處士祐故居 媵華通子其悲辛荒徑今為舊宅隣一代交游

非不貴五湖風月合教貧魂應絕地為才鬼名與遠緜在貴臣聞道平生偏愛石至今猶泣洞庭人

陸龜蒙過張處士祐故居 先生清骨葬烟霞業破孤存孰為嗟幾箇詩篇

分貴位一林石筍散豪家兒過舊宅啼楓影姬遶荒田泣稗花唯我共君堪便戒莫將文譽作生涯

王建邯鄲主人 遠客無主人夜投邯鄲市飛蛾繞殘燭半夜人醉起壚邊酒家女遺

我湘綺被合成雙鳳花宛轉不相離縱令顏色改勿遣合歡異一念始為難萬金誰足貴門前長安

道去者如流水晨風群鳥翔徘徊別離此

劉言史春過趙墟 下馬邯鄲陌頭歇寂寥崩隧臨車轍古栢重生枝亦乾餘潦見

畿輔藝文志 卷之四十五 詩

風幽燄滅白蒿微發紫
權新行人感此復悲春

劉言史夜入簡子古城

遠火熒熒聚寒鬼綠焰欲
銷還復起夜深風雪古城

空行客衣
巾汗如水

劉言史泊花石浦

舊業藁臺廢苑東幾年為梗復
為蓬杜鵑啼斷回家夢半在邯

鄆驛
樹中

高適邯鄲少年行

邯鄲城南游俠子自矜生長邯
鄲裏千場縱博家仍富幾處報

讐身不死宅中歌笑日紛紛門外車馬如雲屯未
知肝膽向誰是令人卻憶平原君君不見今人交

態薄黃金用盡還踈索以茲感歎辭舊游更於時
事無所求且與少年飲美酒往來射獵西山頭

唐人邯鄲宮人怨

邯鄲陌上三月春暮行逢見一
婦人自言鄉里本燕趙少小隨

家西入秦母兄憐愛無儔侶五歲各為阿嬌女七
歲手葺好顏色八歲點慧能言語十三兄弟教詩

書十五青樓學歌舞我家青樓臨道傍紗窗綺幔
暗聞香日暮笙歌君駐馬春日粧梳妾斷腸不用

城南使君壻本求三十侍中郎何知漢帝好容色
王輦携歸登建章建章宮殿不知數萬戶千門深

且長百堵椒塗接青瑣九華閣道連洞房水精簾
箔雲母扇琉璃窗隔玳瑁床歲歲年年奉權宴嬌

貴榮華誰不羨恩情莫比陳皇后寵愛全勝趙飛
燕瑤房侍寢衆莫知金屋更衣人不見誰言一朝

復一日君王棄世市朝變官車出莖夜陵田賤妾
獨畱長信殿一朝太子升至尊兩官人事如掌翻

同時侍兒見讒毀後來新人不敢言兄弟甲綬皆
被奪昔年賞賜不復存一旦放歸舊鄉里乘車垂

目還入門父母閔我曾富貴嫁與西舍金王孫念
此反復何足道百年盛衰誰能保憶昨尚如春日

花悲今已作秋時草少年去去莫停鞭人生萬
事由上天非我今日獨如此古今歇薄皆共然

李白遊羅敷潭

行歌入谷口路盡無人躋攀崖度
絕壑弄水尋廻溪雲從石上起客

到花間迷淹畱未
盡典日落羣峯西

高適自淇涉黃河 南登滑臺上邳望河淇間行樹夾流水孤邨對遠山念茲川路

濶羨爾沙鷗閑回憶別離處獨無音信還

王維至滑州隔河望黎陽 隔河見桑柘藹護黎陽川望望行漸遠孤峯凌

雲烟故人不得見河水復悠然賴看政聲遠時聞行路傳

岑參臨河客舍呈狄明府留題縣南樓 黎陽城南雪正飛黎

陽渡頭人未歸河邊酒家堪寄宿主人小女能縫衣故人高卧黎陽縣一別三年不相見邑中雨雪

偏著時隔河東郡人遙羨鄴都唯見古時丘漳水還如舊日流城上望鄉應不見朝來好是懶登樓

楊臣源同薛侍御登黎陽縣城樓眺黃河 倚檻恣流目高

城臨大川九回紆白浪一半在青天氣肅晴空外光翻曉日邊開襟值佳景懷抱更悠然

高適奉使入居庸 匹馬行將久征途去轉難不知邊地別祇訝客衣單溪冷泉聲

苦山空木葉乾莫言關塞極雨雪尚漫漫

李益秦城柳烟 惆悵秦城送獨歸蓊門烟樹遠依依秋來莫射南飛雁縱遣乘春更

北飛

李商隱弔劉蕡 上帝深居閉九閭巫咸不下問街寬廣陵別後春濤隔溢口書來秋

雨飄只有安仁能作誅何曾宋玉解招魂平生風義兼師友不敢同君哭寢門

張籍薊北旅思 日日望鄉國空歌白苧詞長因送人處憶得別家時失意還獨語多

愁祗自知客亭門外柳折盡向南枝

張籍薊北春愁 渺渺水雲外別來音信稀因逢過江使却寄在家衣問路更愁遠逢

人空說歸今朝薊城北又見塞鴻飛

陳子昂燕昭王詩 南登碣石館遙望黃金臺丘陵盡喬木昭王安在哉霸圖悵已

矣驅馬復歸來

陳子昂燕太子詩

秦王日無道太子怨亦深一聞田光義七首贈千金其事雖不

立千載為傷心

陳子昂郭隗詩

逢時獨為貴歷代豈無才隗君亦何幸遂起黃金臺

陳子昂咏田光詩

自古皆有死狗義良獨稀柰何燕太子尚作田光疑伏劍誠已

矣感我涕沾衣

李白古風

燕昭延郭隗遂築黃金臺劇辛方趙至鄒衍復齊來柰何青雲士棄我如塵埃

珠玉買歌笑糟糠養賢才方知黃鶴舉千里獨徘徊

李白咏高漸離詩

燕南壯士吳門豪筑中置鉛魚隱刀感君恩重許君命泰山一

擲輕鴻毛

劉長卿安州道中經澆水有懷

征途逢澆水忽似到秦川借問朝天

處猶看落日邊映沙晴漾漾出澗夜濺濺欲寄西歸恨微波不可傳

賈島易水詩

荆軻重虛死烈節書前史我嘆方寸心誰論一時事至今易水橋涼風今

蕭蕭易水流得盡荆卿名不泯

胡曾易水詩

一旦秦王馬角生燕丹曾此送荆卿行人欲識無窮恨聽取東流易水聲

韓愈石鼓歌

張生手持石鼓又勸我試作石鼓歌少陵無人謫仙死才薄將能石鼓何

周綱凌遲四海沸宣王奮起揮天戈大開明堂受朝賀諸侯劍佩鳴相磨蒐千岐陽騁雄俊萬里禽獸皆遮羅鑄功勒成告萬世鑿石作鼓陸嵯峨從臣才藝咸第一簡選撰刻畱山阿雨淋日炙野火燒鬼物守護煩撝訶公從何處得紙本毫髮盡備無差訛辭嚴義密讀難曉字體不類隸與蝌年深豈免有缺劃快劍斫斷生蛟鼉鸞翔鳳翥眾仙下珊瑚碧樹交枝柯金繩鐵索鎖紐壯古鼎躍水龍

後唐書文志

卷之第四十五詩

七

騰梯陋儒編詩不收入二雅福迫無委蛇孔子西
行不到秦倚攝星宿遺義娥嗟予好古生苦晚對
此涕泪雙滂沱憶昔初蒙博士徵其年始改稱元
和故人從軍在右輔為我量度掘白科濯冠沐浴
告祭酒如此至寶存豈多託包席裹可立致十鼓
祇載數橐駝薦諸太廟比部鼎光價豈止百倍過
聖恩若許畱太學諸生講解得切磋觀經鴻都尚
填咽坐見舉國來奔波剗荅別薛露節角安置妥
帖平不頗大厦深檐與蓋覆經歷久遠期無他中
朝大官老干事詎肯感激徒媿嬰牧童鼓火牛礪
角誰復著手為摩娑日銷月鏤就埋沒六年西顧
空吟哦羲之俗書趁姿媚數紙尚可博白鷺繼周
八代征戰罷無人收拾理則那方今太平日無事
柄用儒術崇丘軻安能以此上論列願借辨口如
懸河石鼓之歌止於此於乎吾意其蹉跎

韋應物石鼓歌

周宣王大獵兮岐之陽刻石表功
今燁煌煌石如鼓形數止十風雨
缺諺苔蘚滲今人濡紙脫其文既擊既埽白黑分
忽開滿卷不可識驚潛動蟄走云云飛喘委蛇相

糾錯乃是宣王之臣史籀作一書遺此天地間精
意長存世溟漠秦家祖龍還刻石碣石之不李斯
迹世人恣古猶好傳
持來比此殊懸隔

栢巖禪師栢巖山詩

野寺絕休念空山會徧行老
來披衲重病起讀經生乞食
嫌村遠尋溪愛路平多
年栢巖住不記栢巖名

駱賓王易水詩

此地別燕丹壯士髮衝冠
昔時人已沒今日水猶寒

黃庭堅發白沙口次長蘆

篙師救首尾我為制中
權挂席滿風力如摧強
弩弦曉放白沙口長蘆見炊烟一葉托秋雨滄海
百尺船反觀世風波誰能保長年念昔身利區與
世闕周旋大道甚閒暇百物不
費捐誰知目力淨改觀舊山川

文天祥過河間夜宿家則翁三絕

空有丹心貫碧
霄津水亾國不
崇朝小臣萬死無遺嘅曾見天家十八朝○南歸
雁蕩報郎君老子精神健十分不為瀛州復相見

阿戎翻隔萬山雲○江南車蓋走燕山老子傍
觀袖手閒見說新詩題甲子桃源元只在人間

梅聖俞送李閣使知冀州
騷裏黃金絡春風北渡
河將軍守漢法壯士發

燕歌綠水塘蒲短晴天塞雁
多家聲復年少矍鑠笑廉頗

李沆乞去題六和塔
經從塔下幾春秋每恨無因
到上頭今日始知高處險不

如歸去
卧林丘

司馬光送聶之美任雞澤令
趙魏高氣俠到今風
俗然椎埋吏難禁擊

世稱賢明府宜更瑟罷民庶
息肩無如爾絲者急歛縱敲鞭

司馬光和聶之美雞澤官舍詩七首
明府學既優
所聞今得施

四境已澄清還以書自怡西齋幾黃卷治原俱在
茲○百里有民社古為子男國苟有愛物心禱老

皆蒙德為身不為人鄙哉陶彭澤○孤樓雖不高
足以瞰四遠餉婦陌頭歸田夫桑陰飯救吏省追

胥勿令農事晚○索索夕風道瀼瀼朝露哀啁雀
裊寒枝宿螢依敗葉渺然秋興長坐與江湖接○

驛道苦車馬田廬悲斧斤誰裁官舍前老朽完天
真所願明府心庇樹如庇人○村路烟欲噴行人

猶未稀借問往來者管管皆有無乃知市朝客趨
露良可悲○高齋對秋山平望殊不遠雖違獨在

心蒼蒼長在眼可嗟
都邑遊終日紅塵滿

王安石將次洛州憩漳上
漠漠春風裏茸茸綠未
齊平田鴨散隊深樹馬

迎嘶地入河流曲天隨日本
低高城已在眼駉復解輕齋

歐陽修歸雁亭詩
長河終歲足悲風亭古臺荒半
倚空惟有雁歸時最早柳含微

綠杏
粘紅

歐陽修酬滑州公餞龍圖見寄
書册齋前舊菊叢
十年開落任秋風

知君為我留紅旆
酒記莪花白髮翁

後補藝文志

卷之四十五詩

三

梅摯偶書寄永叔內翰
酒戶棋兵孰與儕月宵會
遇六天街南燕到後懷君

遠時入樓
東齋舫齋

梅摯歸雁亭詩
東風楊柳杏花飛會伴先生酒一
厄前輩風流那復見小亭烟雨慢

相思城邊春草路南北舟下河梁人別
離一尺短書烟水隔年年愁遇雁歸時

司馬光鯨堤詩
東郡鯨堤古向來烟火疎提封百
里遠生齒萬家餘賢守車纜下疲

人意已紆行聞歌
五袴京廩滿郊墟

蘇子由題滑州書舫齋贈李公擇學士
窓戶重重
向日明船

居氣味此中生汀洲出沒叢花短波浪澄虛兩岸
平窳逐南來身未穩安閒感物意猶驚前賢事跡

君今似不愧
當年畫舫名

邵雍咏樂毅詩
樂毅事燕時其心有深旨破齊七
十城迎刃不遺矢豈留卽墨莒魯

與燕有二欲使燕遂王天下自齊始豈意志未伸
昭王一日死惠王固不知使人代其位強燕自此

衰何復能振起自古君與臣濟會
非容易重惜千萬年英雄為流涕

蘇軾後石鼓歌
冬十二月歲辛丑我初從政見魯
叟舊聞石鼓今見之文字鬱律蛟

龍走紉觀初以指畫肚欲讀嗟如錯在口韓公好
古生已遲我今况又百年後強尋偏傍推點畫時

得一二遺八九我車旣攻馬亦同其魚維鱗貫之
柳古器縱橫猶識鼎象星錯落僅名斗模糊半已

似癡眠詰曲猶能辨跟肘娟娟缺月隱雲霧濯濯
嘉禾秀稂莠漂流百戰偶然存獨立千載誰與友

上追軒頡相唯諾下挹冰斯同敷敷憶昔周宣歌
鴻雁當時史籀變蝌蚪厭亂人方思聖賢中與天

為生耆耄東征徐齒闕虓虎北伐太原隨指喉象
胥襍選貢狼鹿方召聯翩賜圭鹵遂因鞞鼓思將

帥豈為考擊煩矇眊何人作頌比崧高萬古斯文
齊岫嶮勲勞至大不矜伐文武未遠猶忠厚欲尋

年代無甲乙豈有文字記誰某自從周衰更七國
竟使秦人有九有掃除詩書誦法律投棄俎豆陳

後補遺
宋之詩
詩

鞭柎當年何人佐祖龍上蔡公子牽黃狗登山刻
 石頌功烈後者無繼前無偶皆云皇帝巡四國烹
 滅強暴救黔首六經既以委灰塵此鼓亦當隨擊
 捨傳聞九鼎淪泗上欲使萬夫沈水取暴君縱欲
 窮人力神物義不汚秦垢是時石鼓無處避無乃
 天工令鬼守興亾百變物自閒富貴一朝名不朽
 細思物理生歎息

會布高陽臺詩

樓臺丹碧照天涯江北江南未足
 誇千里烟波方種樹萬株桃李未

開花一麾同下西清路兩鎮高迎上將
 牙回首林塘莫畱戀風流還屬阿連家

會肇和韻詩

文物河間信可嘉風流江左亦堪誇
 水南水北千竿竹山後山前二月花

久愧迂儒懷郡綬聊須雋老駐軍牙
 兩川耆宿無多怪魯衛從來是一家

歐陽修瓦橋關

古關衰柳聚寒鴉駐馬城邊日影
 斜猶在樓西樓二千里行人到此莫

家思

李若水衣帶中詩

戎馬南來久不歸山河殘破一
 身危功名誤我等雲過歲月驚

人和雪飛每事恐貽千古笑此身甘與眾
 人違私情惟有若親重血泪紛紛染客衣

沈文通還雄州詩

濟濟新聲出禁潢邊城一聽醉
 千觴明朝便是南歸客已覺身

依日
月傍

彭汝助使遼至雄關

馬頭今日過中都到得雄州
 更有書道路莫嗔音問少天

寒沙漠
雁來疎

文天祥咏白溝河

寶符藏山自可攻兒孫誰是出
 羣雄幽燕不照中天月豐沛空

歌海內風趙普元無四方志澶淵堪笑百
 年功白溝移向江淮去止罪宣和恐未公

文天祥登武遂城

神州英氣鬱高寒臂斷爭教不
 再連千古傷心有開運幾人臨

死問幽燕平生臥榻今如此百萬私錢亦
 可憐咫尺白溝已南北區區銅馬為誰堅

文天祥滹沱河

過了長江與大河橫流數仞絕滹沱蕭王麥飯曾倉卒回首中天感

多慨

文天祥望易京

亂山西下鬱岩巖還我燕南避世謠天作高秋何索寞雲生故壘自

飄蕭誰教神器歸羣盜只見金人泣本朝莫怪風雷有餘怒田疇英烈未全消

文天祥登雄州城樓

古樹寒雲接渺茫故鄉游子動悲涼江山自古少佳客烟

雨為誰留太行野色分將愁外綠物華散出夜來霜海門何處秋聲急極目蒼波空夕陽

王礪次友秋日雨後韻

洛州秋雨後幽勝可供閒白首留他縣歸心遶故山

野泉來竹底危磴入雲間尚記登高會重岩細菊斑

周昂翠屏山

地擁山河壯營開劍甲重馬牛乘細路燈火出寒松刁斗方嚴夜羔裘欲

禦冬可憐天設險不入漢提封

趙秉文馬耳山

房駟落人間入石霞雙碧月明聞夜嘶驚落石頭石

張仲陽紫泉亭

西風禾黍半蒼黃滿眼秋山冷翠長一片白雲攜雨去人家籬落半

斜陽

劉因過滹沱河

遙臨滹水岸回首玉門開秋色巖裏山形拱抱間分疆人自隘設

險地誰慳欲問前朝事江鷗故意明

許衡送竇漢卿先生

西山山下覓幽邨水竹隣居擬卜君豈意天書下白屋便

收行李入青雲功名准自英賢立得失防因太就分萬里風沙渺南北請歸消息幾時聞

劉因廣昌古寺

何事招提好山深馬可驅松巢低映帽竹溜細通厨霜栗千封戶雲

屏四畫圖冠巾如用我自壽草淺俗宜羊用水如後風謠采路傍地寒人自壽草淺俗宜羊用水如

奴婢從川貯米糧西風如有約乘輿即吾鄉